

կորստեան Ալմանիական զօրաց : Հազիւ ուրեմն եհաս կայսրն Յրէտէրիկոս առաջի Պտղոմայիդայ , ուր եւ մեռաւ իսկ : Եւ 'ի գրգռել մարտին կոտորածն տեւեաց ժամս իբրեւ 8 . ֆնասեցան Լատինք , բայց կորուսին այլազգիք զզօրս : Գուժ մահուան կայսեր սուգ մեծ եղեւ քրիստոնէից . այնուհետեւ չէր ինչ փոյթ նոցա զքաղաքէն , զի խորհէին դառնալ 'ի հայրենիս իւրեանց , որոյ վասն խնդրեցին հաշտութիւն . այլ իբրեւ հասին անդ այլ խումբք Սաչակրաց , 'ի դերեւ հանին զխորհուրդս նոցա , և վերստին սաստկացուցին զպաշարումն : Սուլթանն տաղտկացեալ և տկարացեալ իսկ՝ խոյս ետ 'ի լեառն . թիւ Լատինաց առաւելոյր և մարտն սաստկանայր . մինչզի 'ի միում՝ նուագի սուսերամերիք յարձակեալ ելին յաշտարակս բերդին , և փոքու իմն տիրեալ էին քաղաքին , եթէ ոչ էր հասեալ անդ Սուլթանին : Եւ 'ի սոյն տագնապալից ժամու երեւեցան 'ի ծովափունս Սուրիոյ թագաւորն Անգղիոյ Ռիգարտոս , առիւծասիրտն կոչեցեալ , և գլինի նորա թագաւորն Գաղղիոյ Փիլիպպոս . սքա հասեալ հզօր բանակաւ իւրեանց , խառնեցան 'ի բուն բանակն : Սուլթանն քաջութեամբ ընդդէմ եկաց յարձակմանց նոցին ամիսս երկս , և պաշարումն քաղաքին տեւեաց ամս երկու . հատան ճանապարհք ծովու , սպառեցաւ պաշար քաղաքին , անկան 'ի զօրութենէ ամրականք , և եղեն անձնատուր : Սակայն այլք 'ի պատմագրաց ասեն . թէ 'ի սաստկանալ մարտին եւ 'ի կործանել միոյ կողման պարսպին , և 'ի կոտորիլ այլազգեաց անխնայ 'ի բերան սրոյ , խնդրեցին հաշտութիւն պայմանաւ . տալ այլազգեաց 100,000 ոսկիս , արձակել զքրիստոնեայ գերիս , դարձուցանել զՍաչափայտն , և այլազգեաց ընչիւք իւրեանց մեկնիլ 'ի քաղաքէն . բայց ասէին տալ առ ժամն 50,000 ոսկիս , եւ փոխանակ մնացելոյն տալ պատանդս , միայն զի արձակեսցեն զիսլամ գերիս : Լատինք խնդրէին զամբողջ գումարն , և եկեալ ոմանց տեսին զգանձն , զգերիս և զՍաչափայտն , զոր կարծէին լինել 'ի Դամասկոս : Լատինք թէպէտեւ զիջան 'ի պայմանն , այլ ստիպէին զնոսա կատարել անթերի , զոր խոստանային , և չէր փոյթ նոցա զի տիրեալ էին քաղաքին : Սակայն և այնպէս մնաց խնդիրն անորոշ , եւ Սալահատտին